

25

20

15

10




白石遺文 上
宇

Black
White
Magenta
Red
Yellow
Green
Cyan
Blue

文庫11

A1120

1



白石新井先生傳

先生諱君美。字在中。初名璵。一字濟美。號白石。又有紫
陽錦屏山人天爵堂勿齋等之號。先生與佐久間洞巖
筑後國音相似。蓋出書多署竹谷。竹谷與
一時遊戲非別号也。江戶人。其先新田二郎源某削髮
爲僧。居上州荒居。因以新井爲氏。新井與荒居邦音相
通。父正濟仕于久留里矣。土屋利直。明暦丁酉。矣邸火。正濟
從寄居于內藤政親柳原邸。而先生生焉。矣因呼之曰
火兒。天質岐嶷。穎悟夙成。三歲時能書大字。矣愛其幼
慧。召置膝下。一日盛岡矣南部利直來。一見異之曰。吾無嗣

子。請養以爲子。疾曰。是侍臣之子。非吾兒也。曰必賜吾。吾待其長。當與祿千石。疾固辭。比七歲。父母携觀戲劇。後語之於人。一無所遺忘。正濟歎曰。是兒非常。將大興吾門矣。及十歲。常給事疾側。代書。殆若老成云。疾卒。而正濟辭仕。嗣侯頤直無道。延寶四年。臣某等謀廢立。問之正濟。正濟不可。六年春。事發覺。頤直逐臣某等。先生亦坐。父與謀。放逐且禁錮。時年二十二。先生傲儻不羈。自負贍氣。嘗慨然歎曰。大丈夫生不得封侯。死當爲閻羅。旣而折節讀書。都下富人河村瑞賢。欲妻以女。且請。

以三千金所買地。爲勤學資。令其男說之。先生曰。予亦聞丘言乎。昔有小蛇在潭上。人微傷其腮。俄而風雨晦暝。忽失所在。而有大龍死于他山。龍卽響所傷小蛇。而其瘞幾一尋許也。予翁今欲妻某。是傷小蛇也。後來興家之日。其瘞豈小哉。遂不從。於是家滋貧。而苦學不懈。通經史百家。久留里疾國除後。仕於古河矣。堀田正俊天和二年三月也。會朝鮮來聘。迺詣客館。與其學士等唱和。韓人爲序其陶情集中。歲始遊於順菴木下氏之門。以該博見稱。後有故致仕。去之日。止青錢三百。米三斗。而

己隱居都下處貧晏如順菴欲薦先生於加賀侯適人岡島仲通感然語先生曰僕多年遠遊落魄而老母衰頹倚閭待僕每一念至百感攢心幸得君先容得釋褐本藩則吾願足矣先生以告順菴曰美也求仕何國之擇諸舍美薦仲通順菴嘆曰衰世人情日趨倫薄如卿實不易得也乃推仲通或謂先生曰子嘗仕除封之人且所師亦不遇之人假令學優恐無起身之期須改所事而圖榮顯也先生笑而不答喻之再三先生曰允人之所天者君父師三而已今吾旣無君父獨有師也

以師不遇而改所天則回路諸子豈從陳蔡之厄哉元祿六年

文昭公在藩邸召爲儒職待遇日渥每進講畢必賜坐使說國家遺事十四年命新撰列侯譜七月起草十月脫稿其譜三百八十七家始于慶長庚子終于延寶庚申凡八十餘年間徃來沿革備載之乃命曰藩翰譜寶永元年公立爲儲副將入西城先生就間部詮房言曰凡天下之事臣嘗進講今亦何言無忘則幸甚後公謂詮房曰君美之一言予一日不敢忘也先生

家居二十餘日。或曰。同輩皆薦舉。子盍求之。先生曰。予乃藩邸之舊學也。不可不以禮進退矣。遂不肯。無幾召爲侍講。如藩邸之時。撰俳優考進覽。蓋有所諷也。六年。公繼大統。賜采地。歲租五百石。命以文學給事中。事無大小。必召而諫之。七年冬。以事使京師。八年春。還報稱旨。冬十月。朝鮮來聘。叙從五位下。拜筑後守。命掌其事。凡驛傳供給之制。進見饗賜辭見之儀。所建白多施行。詩文筆話。韓人服其敏。目稱甘盤云。十一月。以前後功。倍賜采地爲千石。金銀改造。海舶互市。亦

命與議焉。先生寢病數十日。使市正正直問病歸報。曰。思慮傷脾。元氣頗衰。四花灸及萬壯。猶未有驗也。公顧正直曰。嗚呼君憂世之心實深矣。豈特萬壯之灸所能治哉。正德三年。公病甚。奉旨有所議。十月。大喪。執政議。儲君喪服。林祭酒信篤曰。儲君年未滿七歲。無服而可矣。先生駁之曰。儲君雖襁褓之中。而立承大統。不可無服也。乃引證古義。與信篤辨論。執政遂從先生議。初。公恨我邦久廢冠服。上下無章。欲制禮改俗。屢與先生議之。先生乃著經邦典例詳。

記制度沿革之事。先生又請欲鑄造銅字活板。以周布經籍于天下。皆奉命未行。公薨無幾。儲君亦不幸早薨。而先生漸老。無意當世。廻杜門謝客。日夜以典籍爲樂。先生著述三百餘種。今所存者僅三之一。尤長詩。其豐腴馴雅。直與盛唐諸名家相颉颃。由是四方爭傳以遠海外。清翰林鄭任鑰所序白石餘稿。今行于世。年六十有九卒。實享保十年己五月十九日也。男明卿克家。

論曰。先生自少肆力於僂漢古今典故。慨然有以天下

自任之志。而身際清明。得施其所蘊蓄。聲播於朝野。真可謂千載一遇矣。國史古事記等。往往讐齋難解。而國學者。株說蔓論。誕妄滋甚。先生以博覽多識之力。精讀國史。其有可疑焉者。則或驗之人情。或參之漢史。故其所論著。大有裨於後學。後之讀國史者。折衷於先生。其可也。

安中城主板倉勝明子赫撰

白石先生遺文目錄

上卷

史論

垂仁皇后之禍

景行拜彥狹嶠王爲東山十五國都督。

仲哀崩

古事記不係神后之事

應神非十四月生

應神位定矣

讀仁德帝紀

武內大臣釋冤

大連之亂

馬子弑帝

新羅質子

東史多訛

日本府建置沿革

原文
失題

大化元年八月縣鐘設匱

孝德改新詔

天智崩

原文
失題

下卷

史論

天武十三年十月始定八姓

弁省官員

原文
失題

關白阿衡

同上

報在唐僧中瓘牒

雜著

宋徽宗遣日本書跋

元祖遺日本書跋

題靖臺寶錄

南嶼志總序

采覽異言序

題采覽異言後

蝦夷志序

與土肥元成書

此以下三篇文不全。

論互市權場

原文失題

律呂說

同上

起請文考證

鞍馬寺所藏古甲記

原文失題

鹽竈社考

鹽竈松嶋圖誌序

原文失題

江關遺聞序

青山公奇石記

原文失題

問日持上人事跡書

代作

告瀨戶神文

代作

詩

詩草餘稿等不載者錄于此

竹石鎮歌

藤臺老五秩壽詩

失題

加安子先七秩

伏承特旨近侍御座以觀朝儀

謝人惠壓尺

天爵堂賞月和鳩巢韻

聯句

失題

酷暑聯句

白石先生遺文

東都 新井君美在中著

水藩 立原萬伯時纂

卷上

史論

垂仁皇后之禍

古事記略曰。皇后母兄沙木毗古王。開化帝孫彥坐王子也。王陰蓄異志。因誘皇后。謀以篡立。卽授七首。教之曰。方其酣寢。乃得從事焉。帝嘗晝寢。枕后膝而卧。后憂

心惻惻及此。因思我兄所謀。若是之時也。不覺泣下沾帝面。帝驚寤曰。我今夢暴雨自沙本來。一小錦蛇纏我頸。是何祥也。后乃嗚咽以其情告。苦詣伏罪。帝曰。非皇后之罪也。卽發近縣卒。命討沙本。毗古王。嬰城而拒之。后徒跣而出。自後門走入于城。時后旣有娠。帝勅莫急攻之。及后生子。男也。后抱寘諸城外曰。天皇若以爲子。幸賜收養焉。帝乃募壯士曰。能獲其母。及后授皇子。因欲執之。髮鬢衣珮觸手皆絕。遂不能獲之。古事記云。天后乃選軍中多力輕捷之上。併取其母。若身若首隨手所觸。急捉而獲之。后心亦疑之。乃自髡戴其髮。玉緒。

及衣。皆用酒令腐。故其所執皆斷裂。遂不能獲耳。玉緒者。絲繩貫玉以纏手爲之飾也。帝使人問曰。凡名子。其母名之。此兒以何名。后對曰。當今城中火作而生于此。宜稱本牟智和氣御子。本火也。牟智貴也。和氣別也。古男子稱。又使問曰。養兒如之何。曰。宜擇于諸母與可也。又復問曰。后宮之事。當繼者誰。曰。妾聞且波比古多多須美智。宇斯王之二女。淑範懿行。宜皆爲內助耳。皇后遂與其兄。焚死于圍中。

嗟呼。后與聞兄謀。其力不能回。亦不忍不告。旣以告矣。豈復忍令我兄獨死于罪乎。方其有娠。忍死須臾。使其

敢下。恐脫
有字。

生兒。幸得所託。天也。及城將陷。對帝之言。委曲周悉。皆當于理。非其視死如歸。而能若此乎。嗟亦烈哉。帝當其大義。則滅其親。而今觀與后相問。猶及其後事。何其哀也。雄略之世。有曰狹穂彥玄孫齒田根命者。雖行不軌如王。而罰弗及厥嗣也。泰誓曰。有罪無罪。予曷敢越厥志。古者仁人。恭行天之罰。豈復有他哉。蓋天下之公義也。夫苟天下之公義。不可得而私。亦不可得而避也。帝於是舉。則仁之至義之盡矣。甲辰三月二十
七夜燈下書

景行拜彥狹嶠王爲東山十五國都督。

初崇神命皇子豐城入彥。令治東方。及帝之世。東方大亂。天威一震。海外有截。帝乃使王嗣前業。蓋于舊邦。蓋以東人之望也。東人傷王不來。竊取其屍以歸葬焉。嗟夫東人慕王如此之切。乃其追思前王。久不忘也。非皇子之化。及人深且厚。曷能至此哉。周人思召伯。而愛其樹。況於其子孫者乎。王之子御諸別王。克世其德。甚得兆民和。夷人率服。來獻其地。卒使廟廊之上。莫有東顧之憂。詩曰。大邦維屏。大宗維翰。懷德維寧。宗子維城。其斯之謂與。厥後子孫受姓者三十二氏。世承其祀。千有

餘年。善之所積。其慶有餘。豈不信哉。帝八十一子。未有一人受大國者也。而帝亦惟其德。委王父子以東山十五國事。是亦可以觀其無所容私于天下焉。昔賢論二南之化。以歸于文王之德。帝之爲德。可謂至矣。甲辰三月二十五夜燈下書。

仲哀崩

諸史帝紀事可疑極多。帝爲日本武子。而崩年五十二。可疑之甚。說見于前。帝嗣位之初。乃牽角鹿去巡南國。遂討熊襲。至穴門國駐蹕七年。莫有一事所紀焉。旣而度海至檣日浦。進擊熊襲。軍敗而還。死于行宮。舉皆可疑。而其尤可疑者。一旦宮車晏駕。事出乎曖昧之間。蓋是二皇子兵。所以問其故也。三史紀事皆有少異。而古事記止言不聽神言。不言被中賊矢。舊事紀日本紀。皆謂帝自擊賊。失利而還。而不言其所戰。是爲何地。則古事紀疑近矣。美鷄謂帝不聽神言。可謂英明之主矣。鄭人拒王師。射王中肩。漢祖擊黥布。爲流矢傷。唐皇征高麗。白羽落眼中。宋主伐契丹。兩箭中股。已而漢宋二君卒爲之崩。事皆彰著。鍾巫祭神。春秋不書魯公之葬。杜

小字。即上。恐脫

斧斲地。古今以疑宋祖之崩。我於帝紀未免疑也。曰。武內宿禰請帝以夜召神。及帝俄崩。左右皆無侍者。果其然。則大臣亦與其事乎。曰。吾何知其不然也。雖然。公時年百餘元老四世。而其輔翼少主。亦猶有似陳相安漢。狄公復唐者。魏志曰。女王事鬼道能惑衆。以予觀之。惟其非有神託。而后能託之神也。安知后卽託斯人。而取信於天下哉。不啻一時。取信於天下也。雖曰百世。能使天下之人盡信之矣。異哉。

古事記不係神后之事

舊事記帝皇本紀。終仲哀世。而列神后於本紀。自後六十九年繫神后之世。日本紀仍舊史書。古事記則與之異。仲哀書崩。乃繼之以應神臨朝天下。太后攝政。削而不書。蓋是其帝紀所以削僞定實。卽此書撰錄第一義也。美每讀國史。而至于此。廢書而嘆。以謂實是國論之難斷者矣。昔者孔子因魯史修春秋。曰。夫人孫于齊。莊公元年三月。宋胡氏安國以爲夫人文姜也。桓公之弑。姜氏與焉。爲魯臣子者。義不共戴天矣。嗣君夫人所出也。恩如之何。徇私情則害天下之大義。舉王法則傷母子之

至恩此國論之難斷者也。經書夫人遜于齊而恩義之輕重審矣。嗟我載筆之臣原仲哀之崩固難應神太后所出而以恩掩義哀哉。然婦居尊位以干天統非常之變豈翅夫人遜于齊之比哉。至若范氏元祖唐鑑一書則黜武氏之號繫中宗嗣聖之年後之說者稱以爲深得孔子春秋之義及考亭朱氏晦資治通鑑綱目編故從唐鑑書古事之作於唐鑑書世之相先三百餘年以著其實非正統且以示天下非常之變蓋其爲義則一也矣。嗟亦偉哉古事所載此非其作者之言卽天武勅語

也。故今此書一從古事例雜取舊史亦惟所以廣其異聞也云爾。

應神非十四月生

應神爲仲哀遺腹子天下以疑其非仲哀之子也。舊史則以爲仲哀九年春二月崩皇后有娠是歲秋九月皇后西征適當其開胎乃自取石挿腰而祝之曰事畢還日生於此土冬十一月還自新羅十二月生皇子於筑紫此蓋據當時流俗解釋其疑之言而書若其然則應神以十四月而生也豈亦不可疑哉且其取石之說或

曰。取之筑紫怡土郡。見于筑紫風土記。筑前風土記。日本紀畧。與之同耳。或曰。取之火國彼杵郡。見于萬葉集山上。憶良鎮懷石歌序。或曰。取之對馬嶋。見于古事記。童訓。或曰。取之新羅國。見于古事記。地之近遠。事之先後。其說紛紜。旣已如此。且謂其石在逸都郡兒饗野西都。即怡土也。事見于筑紫筑前等風土記。兒饗野。萬葉歌序作深江村子資原。大小二石。其一長一尺二寸。周一尺八寸。其一長一尺一寸。周一尺。重四十一斤。其一長一尺一寸。周一尺。重三十九斤。見于筑前風土記。或曰。大者。長一尺二寸六分。圍一尺八寸六分。重十八斤。

五兩。小者。長一尺一寸。圍一尺八寸。重十六斤十兩。其大且重。豈此可揜著婦女裙腰間者也耶。如古事記所載。則與之異。仲哀以壬戌六月而崩。皇后西征。還至筑紫國。始生皇子。遂至末羅縣。即今肥前松浦郡。當時當四月上旬。釣其河魚。後因爲土俗故事。日本紀以爲仲哀崩年四月。當是癸亥之年也。因是推之。應神在胎。亦非歷十四月。當是癸亥之年也。古事記所書。應神之生。不紀其月。若使其果爲冬十月生。則去仲哀崩僅七閱月耳。若其明年始生。亦去仲哀崩八九月之間矣。是蓋夫仲哀暴崩。應神後生。天下疑焉。古俗謬解。欲神其事。後史附會。以徵其言。是

以愈傳而愈失。遂爲曠代疑義矣。天武詔削僞定實。欲傳後葉。宜哉。

應神位定矣

古事記云。忍熊王死也。故建內宿禰乃從太子將禊。歷淡海及若狹國。至高志前之角鹿行宮而居焉。淡海。即也。高志前也。夜夢伊奢沙和氣大神。日本記作去。今近江卽越前也。來紗別大神曰。我以吾名易皇子名。對曰。唯命是從。神曰。明早與皇子期于水濱。我則將易名之幣焉。乃寤。如期往。已有毀鼻入鹿魚。盈滿于浦。鯉鱠。俗呼云入鹿魚。毀鼻。謂其鼻傷也。皇子謝曰。賜我御食。

之魚。因稱其神。亦曰御食津大神。今謂氣比大神也。古讀與氣比同。氣比又作筭飯。後隸敦賀郡。魚之毀鼻。有其血臭。亦呼其地。云血浦。今謂都奴賀也。角鹿。讀云都怒。我後置敦賀郡。及還。太后置酒設宴。乃自作歌。建內宿禰代皇子作答歌。是所謂酒樂之歌也。二歌並見古事記。酒樂之歌。猶言燕歌也。日本紀曰。神后十三年春二月。命武內宿禰從太子令拜角鹿筭飯太神。太子至自角鹿。是日。太后宴太子於大殿。舉觴以壽于太子。因作歌。武內宿禰爲太子答歌焉。二史所書皆可疑也。古事記則以爲太子祓禊。爲忍熊王死之故也。日本紀則以

爲太子至于角鹿。拜筭飯大神。而不言禊與易名也。唯其易名一事。僅見應神本紀注。若夫祓禊以爲夾神常事。故畧而不書乎。然其令太子拜筭飯神。亦是何故也。果據古事記。則忿熊敗死。當在太子年十三四時耳。考之魏志。倭女王卑彌呼。與狗奴國男王卑彌弓呼素不和。正始八年。遣使說相攻擊之狀。卑彌呼猶此云女王也。狗奴國猶此言氣比國也。卑彌弓呼素猶此云皇子。忿熊也。卑彌弓猶此云日御子之語。呼素猶此云忿之語也。正始八年歲在丁卯。仲哀崩年壬戌。以至于此。旣六年矣。古事記仲哀崩後。

凡叙其事。皆不紀年。蓋此所以傳其疑也。氣比大神。史皆不言是何神也。然神與皇子相易其名。則神之所稱者。太子初名。而太子所名者。神舊號也。日本紀注。以爲大神本名品陀別。太子舊名去來紗別者是已。據史成務同母弟五百城入彦古事記作五百木之入日子。成務無嗣。乃立爲太子。太子先薨。故以仲哀生品陀真若王。王者三女。長曰高城入姫。古記作高木。之入日賣。次曰仲姫。季曰弟姫。應神並納爲妃。仲姫卽仁德母后也。應神御諱與王名同。則知氣比大神。卽謂品陀真若王也。初仲哀西征而不復。二皇子是問焉。天

下亦疑少主非先帝之子也。王帝室懿親於仲哀爲近。皇子皆沒。尚有王在。王故太子之子與仲哀爲從父昆弟。仲哀二年春二月。率筭飯宮。夏四月。親征筑紫。蓋命二皇子及王留守行都。及後忍熊戰敗。駕船泛湖。欲走行都也。意者王皇子之黨也耳。建內宿爾。欲徼福假靈於先帝。鎮撫百姓。乃修舊宮。古記建內宿補造假宮。翼戴太子及王以會申之以盟誓。於高志前之角鹿。

重之以婚姻。且使王與太子相易其名。所以一新天下之耳目也。於是乎則天下始定矣。古事記書太子還自角鹿。以終仲哀之世。乃繼之以應神續承大統。其旨微矣。古文相因爲義。要自可以爲意通。亦可以有據耳。如氣比大神。史文不明。然參之景行成務。仲哀及應神事。

等紀。則可以見是。故太子之子。而一時宗盟。亦爲仁德外祖矣。古文亦多假借譬况之言。蓋以有諱直言其事也。如此一節。除惡爲禊。言將禊。謂其鮮仇也。歃血爲盟。言血臭。謂其共誓也。古呼王國爲御食國。言於我賜御食。謂其以天下授之也。太后酒樂之歌。其喜可知。蓋非平生之驩也。食津之爲氣比。血浦之爲角鹿。流俗傳聞。事出二說。類亦惟多。不要強辨而可。凡讀古史。例亦當放此。

讀仁德帝紀

吾讀帝紀。而後知人君務財。天下之不仁。莫甚焉。帝之不仁。可謂甚矣。然天下號爲仁聖。無他。蠲除天下三年賦役耳矣。夫飢者莫擇食。渴者莫擇飲。民之苦虐政。殆有甚於飢渴焉。帝發政施仁。民被其澤。蓋古今之所不

及而帝親行之。宜乎天下之稱以爲聖也。詩云。刑于寡妻。至于兄弟。以御于家邦。言先王親其親而仁其民也。吾竊怪其澤足以被于生民。而恩無以保妻子兄弟。帝於其仁。是誠何心哉。史載帝作壽陵事。而今所存山陵陂池。其廣袤皆與諸陵式合。古者帝陵之制。未有如此之大者也。因此推之。帝嗣位之初。躬行節儉。以惠其民。蓋所謂將奪之固。必與之者與。史亦稱帝之末年。妖氣稍動。叛者始起。於是輕賦薄斂。以寬民力。則果其奪之矣。雖然帝不遠而復。修其政令。天下復安。二十餘年。嗚。

呼帝亦英特之主也哉。甲辰五月二十日

武內大臣釋冤

應神戊戌年夏四月。遣武內宿禰監撫西方。大臣母弟甘內宿禰以其兄反謀告。帝遣使誅之。大臣乃自嘆曰。嗟我無罪而死耶。壹岐直真根子曰。公之無罪。天下共知之矣。躬自詣闕。披陳其情而死。未晚也。世人且稱吾酷肖公形貌。請我今代公死。卽自伏劍而斃。大臣悲慟。竊自脫身浮海。而南抵紀水門。直赴闕請罪。帝更加按問。昆弟爭辨。遂不能斷。乃勅二臣。請神探湯。探湯北史云。每訊冤

獄。不承引者置小石於沸湯中。令所競者探之。云理曲者卽手爛。卽此。弟則敗矣。大臣遂欲殺之。帝勅赦其罪。美曰。管蔡流言。周公以懼。雷風動威。成王乃悟。武內宿禰帝室懿親。勤勞皇家。歷事四朝。年殆二百。及其探湯。僅免一死。嗚呼。君臣之義。兄弟之恩。雖曰聖智。亦爲難能也。其他則又何說。若夫壹岐直。則可謂死友矣。豈亦易得者也耶。甲辰閏四月。君美書。

大連之亂

大連之亂。史所紀多可疑也。敏達。有太子可立。而用明以弟傳位。其一也。皇弟完穗部與大臣大連。共殺前

朝委任之臣。其二也。用明率于河上。是日得病。瘡甚而崩。其三也。按字書瘡。楚莊切。刀傷者成瘡。南史虎魄瘡者。不知是何瘡也。有人告急。大連退去。聚衆於家。其四也。中臣連。呂祖太子。其五也。大臣稱敏達皇后令。殺皇弟及宣化皇子。乃與諸皇子共誅大連。而太子不與焉。其六也。史稱大臣之妻。大連之妹也。大臣妾用妻計而殺大連。雖其事不詳。然大臣妾殺大連。大連之死。實非其辜也。決矣。史稱皇弟欲奸後宮。大三輪君拒而勿入。皇弟忿之。遂欲斬之。亦曰。皇弟陰謀王天下。詐殺逆君。何其所

也下。恐脫

言前後乖異也。美竊以謂敏達七子彥人最長。立爲太子。而非皇后所生也。用明本蘇我氏之出。而大連亦自利其仁弱易制。遂共定議。大三輪君受任前朝。久典樞機。皇弟與二相共謀殺之。除太子之黨也。至大連爲姦譖所構。與衆有隙。中臣連忌詛太子。及後其附于太子。而舍人乃殺之。亦其事情可以觀矣。用明既崩。大臣又欲會子而立弟。用明有六子。第卽崇峻也。嫌其兄卽冗。既長。且多權畧。素善於大連。故誣以姦亂。而枉殺之也。大連尤厲凌物。無弘致遠識。無乃其取禍之道乎。萬勇敢義烈。能使

其犬爲己先之。而不能使一百人爲主先之。豈彼所乏。亦在將畧乎。抑亦其所遇不率也。大抵事以成敗論者。兒曹之見也。天下凡事唯有義之當否耳。中臣象二皇子之形以訛之。上宮刻四天王之像以祝之。其愚一也。幸而事成。則號曰聖。吾未之信也。太子超然處外。不累於時。可謂肥遜矣。皇孫入承大統。以爲百世之宗。舒明是也。天之與有德者。豈不昭昭哉。甲戌八月二十日草。

馬子弑帝

美曰。馬子逆謀。自帝嗣位之初而兆矣。史以爲其聞帝

指猪之言。乃圖不軌非也。曰然則其立帝者何也。曰大連之亂。馬子殺帝母兄。當是時。帝莫有可加之罪。而并殺之。衆心必有不服者。故立之以慰其心。蓋亦不得已耳。殺兄而立弟。其弟非人則可。使其弟而累人也。則必報其怨。雖庸人孺子亦知其當然也。况姦邪如馬子者乎。始其立帝也。獨計以爲我之於彼。有援立功。彼以怨報德。我必有辭於天下後世矣。帝有英氣。彼恐變必生肘腋。竊伺帝動靜。於是宮人左右。皆爲之耳目。帝朝發一言。馬子夕必知之。帝心有所貯。彼盡已知之。豈必待

其指猪之言哉。吾故曰。彼其建議復興任那。乃其逆謀已決之日也矣。征西之役。勇將悍卒。盡出在子外。譬之猛虎去其爪牙。匹夫搏之。猶憲孤豚。大軍一出。駐師于外。內難既定。乃召之還。未始有使一矢加之敵也。其詐謀可以觀已。軍志曰。先奪其所愛。則聽矣。征西諸將。仗鉞握兵。無敢一人反旆廻軍。以討其賊。若驅群羊。驅而往。驅而來。皆顧其家也。三輪君死。馬子曰。天下之亂不久矣。至其逆勢既成。能使天下弗敢動。則彼先爲之措置規畫矣。甲辰八月二十四日草。

新羅貢子

日本紀曰。新羅王波沙寐錦旣降。以微叱已知波珍干岐爲質。高麗百濟亦皆稱藩。因定內官家。卽是所謂三韓也。注云。新羅王宇流助富利智干出降。一云。擒王斬之埋于沙中。乃留一人爲新羅宰而還。王妻欲得王屍以禮葬焉。誘宰以利。且約爲其妻。宰密告其所。王妻乃與國人共謀殺宰。埋之地下。舉王櫬。窆其上。曰尊卑次第。固當如此。天皇赫怒。乃發大兵。旌旗舳艤。蔽海而西。新羅舉國震恐。乃殺王妻以謝其罪。美按婆娑寐錦。新羅舉國震恐。乃殺王妻以謝其罪。美按婆娑寐錦。新羅舉國震恐。乃殺王妻以謝其罪。美按婆娑寐錦。

羅王號也。婆娑寐當讀如伐食錦當讀云尼師今。舊讀錦如字音。據古事記及魏志帝紀。太后親征新羅。適當助責者訛。尼師今之時耳。新羅稱君。曰尼師今。猶言王也。初伐休尼師今太子骨正先死。及伐休尼。大孫助貴尚幼。次子伊買之子奈解稍長。國人立之。奈解以女妻助貴。奈解將死。遺言以其婚助貴爲嗣。其俗呼王族爲伊伐浪。助貴以王族爲君。時稱曰伐浪尼師今也。微叱已智波珍干岐。一作微叱許智伐旱。東史作未斯欣。或作味斯欣。波珍干岐。舊說云冠名。謂其爵號也。干岐。或作旱岐。伐旱私記云。伐音勃。

是上平岐也。平岐三品。伐旱一品。東史作波珍食。亦是王族之稱耳。註云。宇流助富利知于。宇流東史作于老。助富利知于。東史作舒弗邯。職名也。史註以爲國王者訛。據東史。新羅沾解尼師今三年四月。是歲己巳。太后親征後七年。當魏嘉平元年也。倭寇新濟。初倭使葛耶古來聘。王使舒弗邯于老攢之。舒弗邯老子訛解尼師今之父也。于老言早晚以汝王爲鹽奴。王妃爲嬖婢。倭王怒。遣將軍于道朱君來侵。王出居柏村。于老曰。今日之寇。出臣言致之。臣諳當之。遂抵倭軍曰。前日之言戲之耳。竟意興師至此耶。倭人執之。積薪燒

殺之。乃去。後倭使來。聘地勝覽作味鄒。于老之妻諳于王私饗之。及其醉。使人執而焚之。倭怒。來攻金城。不克。引去。葛耶古不詳。于道朱君卽大矢田宿禰。彼此方言轉訛耳。姓氏錄曰。神后西征。及還。留大矢田宿禰於新羅。爲鎮守將軍。將軍彥國葦命曾孫難波宿禰子也。彥國葦子大口納命。大口納命。大口。難波宿禰也。將軍娶新羅王女。生子。長曰佐久。命。次曰武義命。佐久者。真野臣祖。史註所云。留爲新羅宰。卽謂大矢田宿禰也。云宇禮妻誘殺新羅宰者。流傳之謬耳。東史以謂後倭使來于老之妻。使人殺之。蓋得之矣。

東史多訛

初新羅納款以微叱己智干岐爲質。太后攝政五年春二月新羅遣汗禮斯伐毛麻利叱智富羅母智等朝貢。許智伐旱卽微叱己智也。奏請曰臣今聞使者之言我主收臣妻子爲孥而不知其情伏願天慈臣往而視焉太后許之乃遣葛城襲津彥送致之。襲津彥與使者共至對馬泊鉏海水門。新羅使者毛麻利叱智等竊分船載微叱旱岐令逃歸結草爲人卧于床上曰微叱智病矣。襲津彥使人看病乃得其狀執三使者焚而殺之進至新羅。

次踏鞴津拔草羅城而還爾時所俘者今桑原佐繫高宮忍海四邑漢人之祖是也葛城襲津彥古事記作葛城長江曾都武內宿禰第六子踏鞴一作多多羅卽今朝鮮東萊縣多大浦也草羅一作軟良卽今朝鮮梁山郡地桑原高宮竝屬葛上郡忍海後陞爲郡佐繫後改佐備屬河內石川郡姓氏錄桑原三姓皆微叱己智東史作未斯出漢高帝之後也。欣曰初新羅奈勿王死嗣子幼弱國人奉實聖而立之實聖金闕智裔孫也實聖常恨奈勿質已於高勾麗及立爲王欲害其子以報之遣未斯欣於倭卜好於高勾

麗。以爲質。復令人殺其長子訥祇。訥祇乃殺寶聖自立。
明年春。新羅遣軟良州于朴堤上。如高麗。迎其次弟十
好而還。是歲秋。復遣堤上迎季弟未斯欣。堤上詐爲叛
者。浮海入倭國。於是倭出師將襲新羅。仍以堤上未斯欣
欣爲鄉導。行至海鳴。諸將密議滅新羅。執堤上未斯欣
妻子以還。堤上知之。勸欣潛還。堤上獨寢舟中晏起。以
俟欣遠行。倭人謂知欣之亡。縛堤上追之不及。倭王怒
詣之。對曰。謀成吾君之志耳。倭王備極慘毒。以脅之終
不屈。遂燒殺本嶋中。訥祇慟之。贈大阿飮使。欣娶堤上

本一作木。

女爲妻。堤上婆娑王五世孫也。美按國史載微叱已智
事。與東史未斯欣事頗爲相合。微叱已智。未斯欣。彼此
方音轉訛耳。東史以爲訥祇王二年事。三國史記。或以爲元年事。
東國通鑑。他書竝訛。參諸國史古事記。及魏志。帝初則不記其年耳。立訛。參諸國史記。及魏志。帝初
新羅以微叱已智爲質子。是歲癸亥。魏正始四年也。訥
祇以丁己立。實是晉義熙十三年也。世之相後。百七
五年。是其訛一也。東史以朴堤上爲婆娑王五世孫。輿
勝覽卽據東史。婆娑王以漢建初五年庚辰立。在位三
亦同。卽據東史。婆娑王以漢建初五年庚辰立。在位三
十三年。以永初六年壬子死。自漢永初至晉義熙。凡三

恐晚
恭下
安康

百餘年。夫父子相繼三十年爲一世。常理也。果使其爲婆娑五世孫。豈有得爲訥祇時人也耶。是其訛二也。據國史及訥祇立稱藩大國。北史云。新羅百濟以倭爲大國。竝仰之是也。四十一年。訥祇當國。據舊事紀。日本紀。直允恭安。朝雄畧之。若據古事記。則歷仁德。履中。反正。允恭雄畧之。六朝歸誠効順。奉職無闕。我安有聲罪致討之事哉。是其訛三也。凡此三者。其事昭晰。不待深辨。至如襲津彥天朝宗臣。帝室外戚。履中外祖。功業勲績。著在國史。其所俘漢人。厥後子孫。亦有_下登于仕籍者。史書所稱。可得而考。或曰。東史載未斯欣質于倭。自倭還卒。贈舒弗邯。皆係

之歲月。其事必有據。且稱慈悲王四年春二月。納舒弗邯未斯欣女爲妃。其子炤智實爲未斯欣外孫。豈彼國乘不可信者也哉。曰。卽據東史。新羅王實聖元年春三月。遣未斯欣質于倭。二年春正月。以未斯品爲舒弗邯委以軍國事。七年春二月。王欲遣兵擊破對馬。鳴倭營。舒弗邯未斯品諫之。乃已。是後未斯品爲舒弗邯。載記書。遂承其訛。併而爲一。是其不審之過耳。未斯品蓋訥祇弟也。東史載訥祇十七年夏五月卒。贈舒弗邯。

載籍上。

有

者。舒弗耶未斯品也。慈悲四年春二月納爲妃者。舒弗耶未斯品也。日本紀繼體二十一年九月新羅遣彌至已知奈未貢賦微叱已智彌至已知方音相同然其東史作于高麗之世號爲粗畧。况於三韓籍無徵者乎。三韓載籍無徵三國僅有國乘粗顯日本世紀等書也若彼東史之作在乎千載之下而出于三國之後載筆之士繆拾補草僅取于舊聞遺事實惟存十於千百而已屬辭比事尤多牴牾豈可盡信哉。後云東史

訛亦皆美亦按新羅使者汗禮斯伐舊讀伐音勃卽是史註作宇留助富利智干東史作于老舒弗耶亦是彼此方言之轉耳于老一死史註以爲肅脚抽筋斬而埋之東史以爲擯相失言孰而焚之真是兒戲世豈有若此事哉今據國史于老亦是半死于未斯欣事耳毛麻利叱智富羅母智卽二人名其中必有彼云朴堤上者殊方異言其詳難考可惜哉三國史記作堤上余麻東國通鑑作欽良州于朴堤上他書皆作朴堤但據其文則毛麻利叱智蓋斯人與國史云毛上耳逃新羅蓋謂其首謀者也

日本府建置沿革

日本府建置沿革。史無明文。今不可考。私記引草本日
本紀曰。日本府舊作倭宰。日本紀註云。凡王人奉命爲
使三韓者。自稱曰宰。言其宰于韓。如今言使也。考姓氏
錄。初加羅東北與新羅間。中有上中下己汎地方三百
里。其土肥饒。二國相爭。更互攻伐。加羅使使來獻其地。
請得一將軍鎮撫方外。以紓內難。天朝乃得其地。始置
彌麻那國。彼稱國宰曰吉。是崇神末年也。彌麻那後云
任那。其治謂之府。其官謂之宰。猶後之筑紫太宰府帥。

魏志云。置一大率。檢察諸國是也。及神后西征。新羅服
降。百濟內附。遂定比自牴。南加羅。喙國。安羅。多羅。加羅。
乃取南蠻。忱彌多禮等地。比利辟中。布彌支。半古。四邑。
望風自降。蓋古辰弁二韓之城也。乃分南蠻。忱彌多禮。
以封百濟。於是每國置宰監之。乃置太宰於加羅國以
治焉。是爲任那府。加羅又作意富加羅。卽大伽耶。說見于前。後凡倣此。凡其所屬
十國。總而稱之曰任那。其官各有位號。宋書曰。平西征
虜冠軍輔國等將軍。蓋謂之也。後十四年。新羅不朝。乃
討其罪。天將受新羅二美女。移兵擊加羅而滅之。加羅

王出奔百濟。來懇于朝。神后大怒。更命將出征。復建加羅。此云加羅卽駕洛。又作加耶。乃是安羅多羅加羅等宗國也。伽耶大伽耶史混而爲一。恐非今姑從舊文耳。自是之後。六十八年。新羅又不朝。削奪四邑。是歲仁德乙丑年也。其後二十六年。而伐百濟。先是百濟枕流王薨。王子阿萃尚幼。季父辰斯篡立。以故乃問其罪。國人殺辰斯以謝。乃立阿萃爲王。阿萃立無禮。削奪忱彌多禮及峴南支侵谷那東韓之地。是後七十年。雄略大舉伐新羅。討其不朝也。天兵進入王城。王棄城逃奔。旣而諸將不和。遂引軍而還。後九年。高麗入寇百濟。百濟而諸將不和。遂引軍而還。後九年。高麗入寇百濟。百濟

王蓋齒敗死。帝賜王弟文周久麻那利地。安輯餘衆。復建百濟。文周文斤相尋而薨。乃納故王蓋齒從孫末多。立王百濟。其後八年。任那府宰交通高麗。欲據任那王。子諸韓。百濟發兵擊而走之。後十四年。百濟廢王末多。而立斯麻。斯麻蓋齒庶子武寧王是也。武寧旣立。內賂宰臣。諸任那四縣。朝議以爲可許。遂授其地。是歲繼體壬辰年也。明年。百濟復請己汶地。佯跋亦請之。其地亦旣賜百濟。佯跋以怒。乃舉兵叛。新羅遂因取南加羅喙己吞及卓淳等地。任那之滅。實本于此。後十四年。大發

兵衆收復新羅所侵地。會筑紫國叛。海道隔絕。軍不能進。更命將出征筑紫。二年克之。先是百濟王武寧薨。子明禮立。是爲聖明王。聖明亦諳以加羅多沙津爲朝貢之路。乃依其諳。加羅失其津要。深怨天朝。自是之後。遂絕不來。加羅一云伽倻。古狗耶韓卽是。安羅多羅加羅等宗國也。是年使使于安羅。令安羅風諭新羅。以還南加羅。豫己吞等地。初加羅與新羅婚。而後相失。其驩。新羅遂拔任那八城。於是加羅王入朝以告。乃勅使于安羅者。和二國之怨。天使驕傲。新羅怒而復拔任那四邑。

加羅亦厭天使凶暴日甚。乃欲逐之。借兵于新羅百濟。天使邀擊百濟兵。嬰城固守。百濟與新羅攻之一月。勢不可下。遂拔任那五城而還。欽明卽位之初。勅百濟以復建任那。於時任那非舉國盡滅也。地壤日蹙。無復往時矣。古稱每國置宰。至是惟有加羅安羅二國日本府已。其他變衰亦可知也。新羅自創闢邊隙以來。好辭甘言。卽以昔初建國之制爲言。輒曰。百濟以割賜之地。還于任那。則弊邑亦還任那地。尚復何論。朝議紛紜。初無奇策。遂以興復委之百濟。百濟乃議曰。我豈敢違背明

詔。遮斷貢路哉。蓋朝旨亦及任那四縣。加羅多沙津之事也。當是之時。新羅內犯。高麗外侵。縱使百濟撤南韓之戍。卽任那四縣也。則任那失守。可翹足而待矣。參諸東史。加羅安羅送款新羅。有年于此。至如拜彼官爵。受彼冠服。本朝恬然置之不問。而不知國實被其潛賣也。當時議臣謀國。如此其左。尚何以興復爲望耶。豈不謬哉。百濟所論。諸國敗亡之由。悉得之矣。其後任那之滅。一如其料。何其驗哉。然其射一時之利。基百年之禍。釁端既啓。誰復救哉。且其圖興復機事不密。責讓安羅。指斥其罪。

以激衆怨。遂招外寇。旣知王國之亡。皆由乎內應貳心之人也。殷鑒不遠。何以復循故轍乎。易曰。君子遠小人。不惡而嚴。其慮也深矣。甲辰八月初二。源美艸。

大化元年八月。縣鐘設匱。

堯舜之事。而義有可疑。則學者何所折衷。太史遷曰。學者載籍極博。猶考信於六藝。如是而已。世言堯有敢諫之鼓。舜有誹謗之木。吾嘗疑焉。而考諸虞夏之書。孔子之言。果皆所不言。蓋其事始見管子書。曰。堯有衢室之間。舜有告善之旌。尸子曰。堯立誹謗之木。漢文帝詔曰。

古之治天下。朝有進善之旌。誹謗之木。帝王世紀曰。堯置敢諫之鼓。舜立誹謗之木。諸書所載。皆有異同。衢室之間。事見列子。文帝詔不反其名。諸註家皆謂堯時然也。吾聞凡有異同者。皆是訛誤。鄭夾漈春秋考序語蓋其言見於文帝詔。而古稱以爲堯舜之事。是以學者樂聞其言。信而不疑。習而不察。然其實則非堯舜之事也。虞書臯陶曰。都在知人。在安民。禹曰。吁咸若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷乎有苗。何畏乎巧言令色孔壬。其曰知人則孔

子所謂知也。安民則孔子所謂仁也。能哲而惠。則孔子所謂舉直錯諸枉。能使枉者直也。舉皆出乎聖人之言。而其言之不異。猶且如此。而堯舜之德巍巍乎。所以後聖之不能及者。誠其在此。夏書曰。每歲孟春。迺人以木鐸徇于路。官師相規。工執藝事以諫。其或不恭。邦有常刑。蓋自唐虞之世。博求天下之言。其亦如此而已耳。難者曰。九重深嚴。固非叶闕之可聞。萬邦遐曠。或有寃民之無告。故設謗木。置諫鼓。所以通治道。而來諫者也。曰。不然也。堯咨四嶽。薦舜于天。舜亦咨四嶽。薦禹于天。乃

命稷契臯陶垂益伯夷夔龍曰欽哉惟時亮天功帝乃
歌曰股肱喜哉元首起哉百工熙哉蓋言君之善政由
其臣也臯陶乃賡載歌曰元首明哉股肱良哉庶事康
哉又歌曰元首叢脞哉股肱惰哉萬事墮哉蓋言非君
能自明爲臣不能盡力也夫冕之有旒所以蔽明也紜
統充耳所以掩聰也若夫聰明深察不能任賢以謂吾
能使嘉言罔伏勿虐無告則非吾所聞也曰古者所稱
旣已如此亦不足信與曰經之所言予所信也經所不
言予不知也且管仲之事仲尼之門五尺童子猶羞稱
言

焉尸子晉人尸佼撰佼爲秦商鞅之師而全書不傳于
世其雜出諸書如曰孔墨皆弇於私也其言頗與鞅相
類而鞅之術無他特恃告訐耳曰刑用於將過則大邪
不生賞施於告姦則細過不失大邪不生細過不失則
國治矣吾讀鞅書然後知其師所以爲教亦出乎告訐
假託聖人以飾其說也其爲法之弊變爲誹謗妖言之
禁其勢有所激之也至漢興自除秦苛法之後諸儒輩
出有誹謗進善之說及文帝二年除誹謗妖言法而不
知其說本出於刑名之學而非聖人之事也曰然則誹

謗妖言禁之。則可乎。曰。惡是何言也。周厲王虐。國人謗王。召公曰。民不堪命矣。王怒。得衛巫。使監謗者以告。則殺之。國人莫敢言。道路以目。王喜。告召公曰。吾能弭謗矣。乃不敢言。召公曰。是鄣之也。防民之口。甚於防川。川壅而潰。傷人必多。民亦如之。是故爲川者決之使導。爲民者宣之使言。故天子聽政。使公卿至列士獻詩。瞽獻典。史獻書。師箴。瞍賦。矇誦。百工諫。庶人傳語。近臣盡規。親戚補察。瞽史教誨。耆艾修之。而後王斟酌焉。王遂弗聽。於是國人莫敢出言。三年乃流王于彘。召公之言。是

則憂書道人徇于路之事。而民之有口。胡可壅也。孔子曰。天下有道。則庶人不議。庶人有議。亦皆叔世之事耳。魏太武懸鼓於闕左。梁高祖置函於公府。所以廣言路。而達冤民也。然南北二主。皆不免其亂。亦何望唐虞之治乎哉。僞周武氏。置四區巵。以受四方之言。於是告察蜂起。亦如秦之先也。遂使姦惡之黨。快意相讎。天下喟喟。莫知寧所。亂亦極矣。因此觀之。謗木諫鼓。豈必爲堯舜之事也耶。吾故曰。世之所稱。事出乎聖人。而義有可疑者。考之於經。而所不言。則其非聖人之事也。決矣。甲辰

而下。恐脫
經字。

九月晦草。

孝德改新詔改新之詔。前後凡三當通考已。

太古以來歷世縲邈文獻無徵不可考信已大抵上世之制猶三代封建之時也中世已降亦猶漢初兼有封建郡縣之制也迨及孝德世天下盡變爲嬴秦郡縣之制矣昔在上世五方之國各有君長散在山海間大小強弱不能相統一神武開國之初封其有功乃命爲國造者凡八爲縣主者凡三當是之時王畿獨有中州之地國造縣主頗受封於其中其餘諸國唯與之正始耳。

崇神之世始封皇子鎮撫東方後定男女調役皇子分封邦國貢賦皆自此始景行丕承基緒以揚前烈四征弗庭大拓土宇而帝八十餘子受封者七十七人更封宗室爲東山十五道都督犬牙相臨統制天下於是國亦有別焉王是所謂別成務嗣德始分天下國郡縣邑各置官長其爲國造者凡九十四餘則不可詳考蓋猶周有五等國上足以奉貢職下足以供祭祀以藩輔京師

古事記云天皇定大國小國之國造大縣小縣之縣主日本記作今諸國國郡立造長縣邑置稻置國造縣邑所來尚矣蓋成務所制國郡則有國造伴造焉縣邑則有縣主稻置焉與別通爲五等魏志云官曰多模副曰

卑奴母離多模卽佯造也。卑奴母離卽夷守也。夷守見景行帝紀。北史云官有軍尼一百二十人。猶中國牧宰八十户置一伊尼冀。如今里長也。十伊尼冀屬一軍尼。卽國造也。伊尼冀卽稻置也。據舊事紀古者國造有一百二十餘人。北史所書頗與此合。稻置之制我史不詳。北史所書最爲詳悉。所謂天子失官學在四夷耳。伊尼冀之冀或作翼者訛。初垂仁始置倭屯田。稱爲帝皇之田。猶周人所謂天子之田也。其官曰屯田司。屯田屯倉。卽始于此。景行乃令諸國興田部屯倉。蓋古者耕田之業猶不足食。凶年荒歲。最多艱阨。於是勅令諸國制其土處其民。務稼穡廣蓄積以備災害。其制猶後之義倉也。義倉見未考。古言曰。部卽民也。此令其始云屯倉。猶言蓄聚之倉也。延及安閑。制置屯倉於西南。

諸國凡十三所。其中三所又在東國耳。乃令有司主掌其田租事。自是而後經理寬閑之野。墾闢膏腴之田。分命官司以掌其政。史不絕書。所謂兼有封建郡縣之制是也。景行皇子倭武薨。因定武部。曰欲錄功名也。名代入部。實始于此。厥後仁德爲皇后太子及諸皇子定名代部。皇后湯沐邑。太子諸王食封。亦皆自此始也。清寧無子。置白髮部舍人。膳部鞞負等於諸國。白髮者取武烈安閑皆循其故事。謂之子代入部。蓋以其無子故置之。因謂子代。皇后無子亦置焉。名代子代殊號而同實耳。置之之

制其詳未聞亦猶漢時陵邑徙天下民與田宅守陵也。初漢興立都長安徙齊田楚昭屈景及諸功臣家於長陵長陵邑萬户後世也徙吏二十石高資富人及豪傑兼併之家於諸陵奉常屬官有諸廟寢園令長丞東園匠令丞上陵內器物又有園郎故事近臣皆隨陵爲園郎園中各有寢便殿日祭於寢月祭於廟時祭於便殿寢日四上食丞相以四時行園清寧無子因定子代部以憂萬歲之後其祀遂絕故也其置舍人膳夫馱負等猶漢時故事近臣皆隨陵爲園郎部曲之民亦猶漢時陵戶耳凡名代餘皆倣此至於孝德創制立法國郡縣邑廢其君子代餘皆倣此長始置百官制其祿俸使天下之命獨集於一人攷諸祖宗之世亦猶更姓改物也若其罷名代入部詔責之以山川官族名其所諱也夫以諱事神周道也我之前

世未有所諱猶夏殷之世也夏人尚忠殷人尚質周人尚文譬如夏葛而冬裘是其時然也若使周人責夏殷之忠質亦猶裘於冬者責夏之葛者也嗚呼其亦不思之甚哉若夫名終將諱之改其所名而已晉廢司徒爲中軍宋廢司空爲司城魯廢二山以其鄉名未聞其俗官與山而廢之也晉僖侯名司徒改司徒爲中軍宋武公名司空改司空爲司城魯獻公名具武公名故改具山古不墓祭陵有園寢自秦始也古宗廟之制前制廟後制寢以象人之居前有朝後有寢也廟以藏主以四時祭寢有衣冠几杖象生之具以薦

新物。月令云。先薦寢廟是也。秦始出寢起於墓側。漢因而弗改。故陵上稱寢殿。起居衣服象生人具。名寢之意也。夫送死之禮。卽遠而無近。至于墓則終事盡矣。人子孝思不忘。則專精于廟享而已。蓋墓藏體魄而致生之。是不智也。廟以宅神而致死之。是不仁也。此聖人制禮。明乎幽明之故。仁智合而理義全也。旣以送形而往。安于地下。迎精而反。主於廟中。而又致隆於陵園。是反易陵廟之理。以體魄爲有知。虛廟祏而不重設。復舉廟中之主。祭於陵所。皆違禮也。夫恩萃卽遠。豈得已而爲之。

若遂孝子思慕無窮之心。則於四時大廟之祭。祔烝嘗。惟禮之循。而兢兢業業。敬其所尊。愛其所親。事死如事生。事亡如事存。可以爲孝之至也矣。帝始廢陵邑。似矣。雖然大廟之制。未之有聞。則曷若仍其舊貫。而愛敬之意。猶有所存焉。魯人曰。吾將以吾之不可學柳下惠之可。孔子聞之曰。善哉。欲學柳下惠者。未有似於此者。帝之似者。其斯異乎魯人之所學與。亦責之以部曲官民分居國縣。遂使父子易姓。兄弟異宗。一家五分六割。爭訟之起。職此之由。夫天子建德。因生以賜姓。胙之土。

命之氏。官有世功。則有官族。邑亦如之。枝分派別。千塗萬轍。且士類以氏族相尚。厥來久矣。允恭詳定氏姓。事在清寧。置標代民之前。然地勢相傾。更相排詆。古今之弊。終不可改。至其不肖子。販鬻松檣。依託富貴。衰世之俗。人無廉恥。抑亦誰之咎與。古者宗子之法。所以收天下。不相親屬之心也。降及後世。所以不重其族者。有族而無宗也。是以其族散而忘其祖。遂至於父子無親。而兄弟相訟。若欲天下相與親睦。必先自宗法始。尊祖而敬宗。先王之道。所以尚之也。若其廢封建詔。以謂分

國郡縣邑。各置己氏。割山川土田。以爲私地。妄作其主。兼并劣弱。夫自太古以來。有土之主。皆神明之後。其他亦皆社稷功臣。帝室懿親。世有令德。以襲其封。一尺之地。一民之衆。祖宗不以賞私德。君長不敢貳于己。亦何私已之有。帝疾其兼并。而欲以天下奉於一人。則其爲兼并。孰大焉。昔秦併天下。以爲郡縣。帝亦併天下。以爲郡縣。其事雖同。其義大異。秦滅六國。諸侯猶其敵國也。廢三代制度。猶其異姓也。帝之所滅者。社稷世臣也。其所廢者。祖宗舊制也。秦之創制。天下皆知其惡矣。帝之

變法。天下皆稱其善焉。何則。後之長國家而務財用者。以其利爲自利之也。故其流之弊。以傳乎萬世。天下亦皆不能知之也。悲哉。請試舉其一二而論之。古者國郡縣邑之主。皆神明之後。奉其先祀者。其後既亡。其祀既絕。不可得而考。天下神祠。著在祀典者。凡三千一百三十二所。此自非山林川谷丘陵。能出雲爲風雨。則古之神人有功烈於民者也。帝家宗廟。置而不論。其神明之後。以奉其祀者。獨有出雲國造焉耳矣。其餘則不知其祀是何神。而其後是何人也。蓋此無他。帝變法之後。如

其神明之後。雖承世官。其所食世祿。月給官廩而已。非若前代有食邑采地圭田之制也。况其衰門舊族。散往四方者。歲時欲祭其先。則其祠且不知何在。又安有行禮之地哉。而其著在祀典者。官命有司。祭古之明神在其地。而無主後者也。上世以來。胙土賜姓。其載在史籍者。凡一千一百八十二氏。事漏舊典。簪所不及者不與焉。此皆古者神明之胄。帝出之裔。冠冕之緒。保姓受氏。以守宗祊。世不絕祀者。而今其姓氏以傳于世。僅存一於千百。豈其君子化靄。小人亦化爲猿者也耶。蓋此

無他。帝變法之後。高門右姓。名爲世官世族。無有尺寸之奉。使其土無常君。其民無常主。况其衰宗落譜。亦皆栖栖爲東西南北之人。間有乘風雲之會。崛^突起於草萊。策名於廟廊之上。安知非其爲帝出之裔。神明之胄。而其德在人之後者哉。雖然遙遙萃胄。其所由出不可信也。因此觀之。天下有神多散非類。天下有姓妄認遠祖。蓋亦可知也。已易曰。天地之大德曰生。聖人之大寶曰位。何以守位。曰仁。何以聚人。曰財。夫受命於天。爲生民之主。而絕人之後。奪人之利。天下之惡莫大於此矣。秦

三世而亡其族。帝二世而滅其宗。皆反乎爾者也。夫自作孽不可逭。如此夫。甲辰十月六日燈下書。

天智崩

昔人相傳。帝牽山。科騎馬入林中。不知所之。又曰。帝馭上天。羣臣葬其遺舄。又曰。是舄化石。於今猶存。帝王編年水鏡筆抄。或曰。帝之終不可詳也。故曰。升天云爾。史之所書。何足盡信焉。美曰。黃帝得仙。騎龍升天。帝亦其然乎。萬葉集載。帝挽歌凡九首。中有如言昇仙之事者。豈非是所以有後世紛說邪。孔子作春秋。定哀多微辭。我史

於天智天武之世。亦猶定哀也。諱尊隆恩。臣子義當然也耳。雖然大津皇子以叛書。則凡篡逆之罪。見於斷例。亦自明矣。若彼上天之說。姑存疑而可也。

白石先生遺文

010190525657

48-13329

